



Capitulo 06 – Resta, vasuera

Nomás ha d'usar-se como zagüero recurso y no pa fer o minimo esfuerzo porque remata en vertedero u inzineradora sin posibilidat de reciclache. Ye l'equivalén a lo contenedor gris d'a vía publica. En cualques puntos limpios i hai un contenedor de voluminosos pa depositar os repuis más grans d'a lista.

ALMITE: tot o que leve mestura considerable (no chicotas piezas d'a grandaria de tornillos u alguazas) d'atros materials y que no se pueda deseparar, exemplo: sombrillas, gomas, mangueras, plasticos blandos (tipo bolsa) que no sían emborbozos reciclables porque se depositan en o contenedor amariello, parquet sintetico, contrachapau, fibropanel DM (cartón prensau), sofás, sillas con mestura de materials (telas, metals, fustas, plasticos), telas y ropa en mal estau (sino van en o contenedor de ropa usada), plancha sambi (aluminio aislau con porexpan pa teitos), puertas blindadas, finestras y puertas con veire, mamparas de baño (aluminio y metacrilato u veire), canapés y bases tapizadas, toldos, porexpan (zuro blanco) de grans dimensions (en cualques munizipios l'almiten en o contenedor amariello), persianas d'aluminio con aislán de porexpan, tapes inodoro, cascos moto u bizi, colchonetas, flotadors, maletas (de tot tipo si levan tela), vaxiella de cristal, coxín, neumaticos con bandau, neumaticos y cambras de bizi u moto chicota.

NO ALMITE: o que pueda depositar-se en a resta de contenedors por levar un solo material.

Un exemplo de toz os envases que podrían reciclar-se y 'alandonamos' en o meyo ambién ye a foto d'abaixo. Isto ocurre a diario.



Visita o capítulo 06 “Resta, vasuera” en **YouTube**: <https://youtu.be/KhKW-tZTxUg>

